



Broj: 01-11-24488 /26  
Sarajevo, 06.05.2026. godine

Na osnovu Budžeta Kantona Sarajevo za 2026.godinu ("Službene novine Kantona Sarajevo", broj: 52/25), članova 22.i 23. Zakona o izvršavanju Budžeta Kantona Sarajevo za 2026. godinu ("Službene novine Kantona Sarajevo", broj 52/25), člana 14. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Službene novine Kantona Sarajevo", br. 22/21, 13/22, 21/24, 10/25 i 6/26), a u vezi sa Odlukom Vlade Kantona Sarajevo o usvajanju Programa utroška sredstava Kabineta predsjedavajućeg i zamjenika predsjedavajućeg Skupštine Kantona Sarajevo za 2026.godinu, broj: 02-04-12629-13/26 od 2.4.2026. godine ("Službene novine Kantona Sarajevo", broj: 15/26) Kabinet predsjedavajućeg i zamjenika predsjedavajućeg Skupštine Kantona Sarajevo objavljuje

### **JAVNI POZIV**

**za dodjelu transfera neprofitnim organizacijama za finansiranje/sufinansiranje aktivnosti/programa/  
projekata iz Budžeta Kantona Sarajevo za 2026. godinu, sa razdjela Kabineta predsjedavajućeg i  
zamjenika predsjedavajućeg Skupštine Kantona Sarajevo**

#### **I PREDMET JAVNOG POZIVA**

Predmet Javnog poziva je dodjela novčanih sredstava iz Budžeta Kantona Sarajevo za 2026. godinu sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo za aktivnosti/programme/projekte neprofitnih organizacija koji su od interesa za građane Kantona Sarajevo ili doprinose razvoju i afirmaciji Kantona Sarajevo i provode se na području Kantona Sarajevo.

#### **II OSIGURANA SREDSTVA ZA FINANSIRANJE/SUFINANSIRANJE PROGRAMA/PROJEKATA/AKTIVNOSTI**

Za Javni poziv u Budžetu Kantona Sarajevo za 2026. godinu na razdjelu Kabineta predsjedavajućeg i zamjenika predsjedavajućeg Skupštine Kantona Sarajevo osigurana su sredstva u ukupnom iznosu od **206.000 KM** u svrhu finansiranja/sufinansiranja aktivnosti/programa/projekata neprofitnih organizacija.

#### **III PRAVO PRIJAVE NA JAVNI POZIV I DODJELU NOVČANIH SREDSTAVA**

Pravo prijave na Javni poziv i dodjelu novčanih sredstava imaju:

- Neprofitne organizacije koje ispunjavaju opće uslove po Javnom pozivu,
- Neprofitne organizacije koje su registrovane na području Kantona Sarajevo,
- Neprofitne organizacije koje su dostavile izvještaj o namjenskom utrošku dodijeljenih sredstava i uredno izvršile obaveze iz ranije zaključenih ugovora o finansiranju/sufinansiranju iz budžetskih sredstava sa razdjela Kabineta predsjedavajućeg i zamjenika predsjedavajućeg Skupštine Kantona Sarajevo.

#### **IV USLOVI (KRITERIJI)**

**(1) Opći uslovi (kriteriji) za dodjelu sredstava i odgovarajući dokazi koji podnosioci trebaju ispuniti i dostaviti kako bi mogli konkurisati za dodjelu sredstava, a odnose se na sljedeće:**

- a) Popunjen obrazac OBR.01.19798/26 Kabineta predsjedavajućeg i zamjenika predsjedavajućeg Skupštine Kantona Sarajevo za prijavu projekta za finansiranje/sufinansiranje iz budžeta Kantona



Sarajevo sa numerisanim popisom priloga dostavljene dokumentacije (potpisan i ovjeren od strane ovlaštenog lica),

- b) Dokument i obrazloženje projekta sa razrađenim detaljima i to : kratak opis projekta, opis potreba - detaljna specifikacija troškova projekta, ciljevi, ciljne grupe, plan realizacije projekta, lokacija projekta, trajanje projekta, osoblje i ukupan budžet (potpisan i ovjeren od strane ovlaštenog lica),
- c) Rješenje o upisu u odgovarajući registar i/ili osnivačkim aktom definisano područje djelovanja koje je u skladu sa prioritetima za koje se dodjeljuju sredstva ili aktuelni izvod iz sudskog registra (ne stariji od tri mjeseca (original ili fotokopija ovjerena od nadležnog organa-općina/notar),
- d) Izjava da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela i/ili privredni prestup (ovjerena od nadležnog organa-općina/notar),
- e) Za podnosioca prijava koji su neprofitne organizacije, a na koje je preneseno javno ovlaštenje, internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine („Službene novine Federacije BiH“, broj: 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl. dostaviti fotokopiju internog akta ovjerenu od nadležnog organa-općina/notar, a ukoliko nije preneseno javno ovlaštenje i internim aktom uspostavljen model dobrog finansijskog upravljanja i kontrola, dostaviti izjavu (ovjerenu od nadležnog organa-općina/notar),
- f) Uvjerenje o poreskoj registraciji-identifikacioni broj (ID broj) (original ili fotokopija ovjerena od nadležnog organa-općina/notar),
- g) Potvrda poslovne banke iz koje je vidljivo da transakcijski račun podnosioca nije blokiran u posljednja tri (3) mjeseca (original ili ovjerena kopija od nadležnog organa-općina/notar),
- h) Program rada za 2026. godinu sa obrazloženjem ( potpisan od ovlaštenog lica i ovjeren pečatom aplikanta),
- i) Finansijski plan za 2026. godinu, analitički iskazan sa iznosima za svaku stavku pojedinačno razrađenim troškovnikom projekta (potpisan od ovlaštenog lica i ovjeren pečatom aplikanta),
- j) Uvjerenje od porezne uprave F BiH o izmirenim direktnim porezima (doprinosi za PIO/MIO i doprinosi za zdravstveno osiguranje) u posljednja tri (3) mjeseca za zaposlene-ukoliko ima zaposlenih sa obaveznim prilogom Lista osiguranih lica, a ukoliko neprofitna organizacija nema zaposlenih i neizmirenih obaveza treba dostaviti ovjerenu izjavu od nadležnog organa da nema zaposlenih i neizmirenih obaveza kojom to potvrđuje(original ili fotokopija ovjerena od nadležnog organa-općina/notar),
- k) Zapisnik sa sjednice nadležnog tijela(skupština, upravni odbor) na kojoj je usvojen izvještaj o radu sa finansijskim izvještajem za prethodnu godinu (potpisan i ovjeren od strane ovlaštenog lica),
- l) Bilans stanja i Izvještaj o prihodima i rashodima za prethodnu godinu, sa pečatom Finansijsko /Financijsko Informatičke Agencije, ovlaštene za ovjeru. (ovjerena kopija od nadležnog organa-općina/notar),
- m) Dokaz o urednom ispunjavanju svih obaveza iz prethodno zaključenih ugovora o finansiranju/sufinansiranju iz budžetskih sredstava Kabineta predsjedavajućeg i zamjenika predsjedavajućeg Skupštine Kantona Sarajevo, odnosno, da je izvještaj o namjenski utrošenim sredstvima za odobreni projekat dostavljen (izjava potpisana i ovjerena od strane nadležnog organa-općina/notar),
- n) Izjava ovlaštenog lica podnosioca prijave (potpisana i ovjerena pečatom aplikanta i ovjerena kod nadležnog organa-općina/notar).

## **(2) Posebni uslovi (kriteriji) na osnovu kojih se ocjenjuju prijave, a odnose se na:**

- a) kratak opis dosadašnjeg iskustva podnosioca u provođenju istog ili sličnih aktivnosti/programa/projekata
- b) navesti učešće drugih partnera u realizaciji i njihovi kapaciteti i dosadašnje iskustvo (ukoliko su uključeni u realizaciju)
- c) opisati održivost aktivnosti/programa/projekata (obim u kojem će se rezultati provedenih programa i projekata nastaviti koristiti od strane krajnjih korisnika)
- d) informacije o rizicima i mogućim problemima u provedbi aktivnosti/programa/projekata



**Napomena:** Dostaviti odgovarajuću dokumentaciju kojom se dokazuje ispunjavanje posebnih uslova (kriterija) navedenih od tačke a) do tačke d) – narativni opis (potpisan i ovjeren od strane aplikanta).

## V NAČIN PODNOŠENJA PRIJAVE

1. Prijava na Javni poziv podnosi se na propisanim obrascima:

- a) obrazac za prijavu projekta za finansiranje/sufinansiranje iz Budžeta Kantona Sarajevo OBR.01.19798/26 sa numerisanim popisom priloga,
- b) obrazac narativnog i finansijskog izvještaja - obrazac br.3,
- c) izjava ovlaštenog lica podnosioca prijave (neprofitne organizacije) na koje nije preneseno javno ovlaštenje- iz tačke e) općih uslova (kriterija) i
- d) izjava ovlaštenog lica podnosioca prijave (neprofitne organizacije) - iz tačke n) općih uslova (kriterija).

Obrasci su objavljeni na web stranici Skupštine Kantona Sarajevo: <https://skupstina.ks.gov.ba/aktuelnosti/skupstina>, a mogu se i lično preuzeti na šalter sali u zgradi Kantona Sarajevo ul. Reisa Džemaludina Čauševića 1, Sarajevo.

2. Prijava sa odgovarajućom dokumentacijom podnosi se u zatvorenoj koverti na čijoj poledini obavezno navesti ime podnosioca prijave, adresu i kontakt telefon, a može se predati lično na Protokol Kantona Sarajevo ili poštom na adresu:

**KANTON SARAJEVO**  
**KABINET PREDSEDavajućEG I ZAMJENIKA PREDSEDavajućEG**  
**SKUPŠTINE KANTONA SARAJEVO**  
**Komisija za provođenje javnog poziva dodjele transfera neprofitnim organizacijama za finansiranje/sufinansiranje programa/projekata/aktivnosti iz Budžeta Kantona Sarajevo za 2026. godinu**

**Ulica Reisa Džemaludina Čauševića br. 1, 71000 Sarajevo**  
**sa naznakom:**

**"Prijava za dodjelu transfera neprofitnim organizacijama za finansiranje/sufinansiranje programa/projekata/aktivnosti iz Budžeta Kantona Sarajevo za 2026. godinu**  
**(Ne otvaraj-Otvora Komisija)**

## VI OPŠTE ODREDBE

1. Krajnji rok za podnošenje prijave je **15 (petnaest) dana od dana objavljivanja Javnog poziva** u novinama "Oslobođenje" i na WEB stranici Skupštine Kantona Sarajevo <https://skupstina.ks.gov.ba/aktuelnosti/skupstina>
2. Neblagovremene, nepotpune i neuredne prijave neće biti predmet razmatranja.
3. Podnosioci prijave mogu aplicirati na Javni poziv sa jednim projektom.
4. Rukovodilac davaoca sredstava imenovat će komisiju za provođenje Javnog poziva dodjele transfera uz mjere za sprečavanje sukoba interesa osoba uključenih u postupak dodjele sredstava u skladu sa članom 11. Uredbe o dodjeli transfera neprofitnim organizacijama i pojedincima iz Budžeta Kantona Sarajevo ("Sl.novine Kantona Sarajevo", broj: 22/21, 13/22, 21/24, 10/25 i 6/26), uz naznaku da će svaki član komisije biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave. Komisija imenovana od strane rukovodioca davaoca sredstava će, u skladu sa definisanim zadacima, izvršiti pregled, odnosno, razmatranje pristiglih prijava na Javni poziv, ispunjenost općih i posebnih uslova, utvrditi liste aplikanata koji ispunjavaju uslove za dodjelu sredstava sa razdjela Kabineta, kao i onih koji ne ispunjavaju uslove, a koje će biti objavljene na web stranici davaoca sredstava, te na osnovu zbirne liste ocijenjenih prijava izraditi prijedlog odluke o dodjeli transfera sa iznosima.
5. Davalac sredstava će obavijestiti pismeno aplikante čije prijave nisu prihvaćene u roku od 15 dana od dana objavljivanja rezultata, navodeći razloge odbijanja prijave. Podnosioci prijave imaju pravo na izjavljivanje prigovora rukovodiocu davaoca sredstava, u roku od sedam dana od dana



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-044, Fax: + 387 (0) 33 562-210  
Web: <http://skupstina.ks.gov.ba>  
E-mail: [aida.arap@skupstina.ks.gov.ba](mailto:aida.arap@skupstina.ks.gov.ba)

dostavljanja pismene obavijesti, nakon čega davalac transfera donosi konačnu odluku. Prigovor se ne može izjaviti ukoliko je prijava na Javni poziv odbijena kao nepotpuna, neblagovremena i neuredna.

6. Za finansiranje /sufinansiranje realizacije odobrenih projekata zaključit će se pojedinačni ugovori kojim će se definisati međusobna prava i obaveze ugovornih strana, a posebno način i dinamika korištenja dodijeljenih sredstava, nadzor nad utroškom istih, način i rokove izvještavanja, neprihvatljivi troškovi koji se ne mogu finansirati/sufinansirati dodijeljenim sredstvima i dr.

Odobrena sredstva za realizaciju troškova programa, projekta ili aktivnosti koriste se za:

- a) administrativne troškove maksimalno do 30%
- b) projektne aktivnosti minimalno 70%.

7. Primaoci finansijskih sredstava za realizaciju programa/projekata/aktivnosti koji nisu dostavili narativni i finansijski izvještaj o utrošku sredstava za odobreni program/projekat/aktivnost za koji su imali u prethodnom periodu odobrena budžetska sredstva ili su dostavili izvještaj u kome nisu opravdali utrošak odobrenih budžetskih sredstava u cjelokupno odobrenom iznosu, ne mogu biti prihvaćeni za finansiranje programa/projekata/aktivnosti.

8. Kabinet predsjedavajućeg i zamjenika predsjedavajućeg Skupštine Kantona Sarajevo nije u obavezi da finansijski podrži prijavljeni projektni prijedlog, iako ispunjava formalno-pravne uslove.

9. Korisnik sredstava **obavezan** je da u roku od **8 dana** od nastanka promjene obavijesti davaoca sredstava o:

- promjeni adrese sjedišta,
- promjeni ovlaštenih lica,
- promjeni broja transakcijskog računa, kao i statusa računa (solventnosti), u suprotnom će snositi odgovornost za sve pravne, finansijske i druge posljedice nastale usljed neblagovremenog obavještavanja.

10. Podnošenjem prijave na ovaj Javni poziv, podnosilac daje saglasnost Kabinetu za obradu svojih ličnih podataka, u skladu sa Zakonom o zaštiti ličnih podataka („Službeni glasnik Bosne i Hercegovine”, broj: 12/25). Lični podaci obrađuju se isključivo u svrhu provjere ispunjenosti uslova Javnog poziva, izrade ugovora, realizacije dodjele sredstava, vođenja evidencije korisnika, odnosno unosa u Registar, izvršenja plaćanja i evaluacije. Podaci se mogu dostaviti trećim stranama samo u okviru zakonskih obaveza.

**Za sve dodatne informacije možete se obratiti Kabinetu predsjedavajućeg i zamjenika predsjedavajućeg Skupštine Kantona Sarajevo na tel. 033/562-044 ili 033/562-051 ili 033/562-298.**

**Kabinet predsjedavajućeg i zamjenika  
predsjedavajućeg Skupštine Kantona Sarajevo**



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-044, Fax: + 387 (0) 33 562-210  
Web: <http://skupstina.ks.gov.ba>  
E-mail: [aida.arap@skupstina.ks.gov.ba](mailto:aida.arap@skupstina.ks.gov.ba)